

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-27311/24
Sarajevo, 03.01.2025. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU

o izboru najpovoljnijeg ponuđača - Izvođenje radova na izgradnji atmosferske kanalizacije i rehabilitacija saobraćajnice u ulici Derviš Fevzi Mostarca

I

Prihvata se preporuka Komisije za javnu nabavku radova i okvirni sporazum u postupku javne nabavke - Izvođenje radova na izgradnji atmosferske kanalizacije i rehabilitacija saobraćajnice u ulici Derviš Fevzi Mostarca, broj obavještenja 422-1-3-245-3-330/24 objavljeno na Portalu javnih nabavki BiH dana 18.11.2024.godine i u “Službenom glasniku BiH” – Oglasnik javne nabavke broj 80/24 od 22.11.2024.godine, dodjeljuje se ponuđaču “MGBH” d.o.o. Sarajevo sa ponudom u iznosu od 739.334,01 KM bez PDV-a, odnosno 865.020,79 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-27311/24 od 15.11.2024.godine Općina Novi Grad Sarajevo pokrenula je otvoreni postupak javne nabavke – Izvođenje radova na izgradnji atmosferske kanalizacije i rehabilitacija saobraćajnice u ulici Derviš Fevzi Mostarca, broj obavještenja 422-1-3-245-3-330/24 objavljeno na Portalu javnih nabavki BiH dana 18.11.2024.godine i u “Službenom glasniku BiH” – Oglasnik javne nabavke broj 80/24 od 22.11.2024.godine. Procijenjena vrijednost za predmetnu nabavku iznosi 739.980,12 KM bez PDV-a, odnosno 865.776,74 KM sa PDV-om.

Zapisnikom o otvaranju ponuda od 09.12.2024. godine Komisija je konstatovala da su u predviđenom roku u propisno upakovanim kovertama pristigle tri (3) ponude ponuđača:

1. “Mibral” d.o.o. Sarajevo
2. grupa ponuđača “Manjo” d.o.o. Sarajevo i “Bosman” d.o.o. Sarajevo
3. “MGBH” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da grupa ponuđača "Manjo" d.o.o. Sarajevo i "Bosman" d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (d) tehnička i profesionalna sposobnost – da je ponuđač opremljen neophodnom mehanizacijom za obavljanje predmetnih radova, a tačkom 3.4.2.c) propisano je da se kao dokaz o obezbijedenosti opreme i mehanizacije neophodne za obavljanje predmetnih radova dostavlja: izvod iz knjige osnovnih sredstava sa označenom pozicijom tražene opreme ili ugovor o iznajmljivanju opreme (original ili ovjerena kopija) za kamione se dostavlja ovjerena kopija važeće saobraćajne dozvole; a za radne mašine dostaviti ovjerenu kopiju važeće saobraćajne ili upotrebne dozvole. Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje (original ili ovjerena kopija).

Komisija je konstatovala da je ponuđač kao dokaz da posjeduje oplatu za razupiranje rova-lkom na stranicama od 96 do 99.ponude dostavio upotrebne dozvole, listu stalnih sredstava firme „Manjo“ d.o.o. Sarajevo i knjigu osnovnih sredstava firme „Bosman“ d.o.o Sarajevo, te je Komisija konstatovala da grupa ponuđača posjeduje više vrsta oplata za šalovajne betonskih elemenata i građevina, međutim nije dostavljen dokaz o posjedovanju kanalske oplata za razupru rova, što je traženo ovom tačkom tenderske dokumentacije.

Iz naprijed navedenih razloga utvrđeno je da ponuda grupe ponuđača "Manjo" d.o.o. Sarajevo i "Bosman" d.o.o. Sarajevo ne ispunjava uslove tražene u tenderskoj dokumentaciji iz tački 3.4.2.(e) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno da je ponuda nepravilna.

Nadalje, Komisija je pristupila analizi i procjeni preostale ponude, te utvrdila da dostavljene ponude ponuđača "Mibral" d.o.o. Sarajevo i "MGBH" d.o.o. Sarajevo ispunjavaju kvalifikacione uslove tražene u tenderskoj dokumentaciji. Izvršena je računaska kontrola ponuda te je konstatovano da je dostavljena ponuda računski ispravna.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi:

1. "MGBH" d.o.o. Sarajevo sa ponuđenom cijenom za okvirni sporazum u iznosu od 739.334,01 KM bez PDV-a,
2. "Mibral" d.o.o. Sarajevo sa ponuđenom cijenom za okvirni sporazum u iznosu od 739.643,52 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 80/23) zakazano održavanje e-aukcije na Portalu javnih nabavki BiH za dan 27.12.2024. godine sa početkom u 11:00 sati. Nakon okončane e-aukcije za predmetnu nabavku, a na osnovu izvješćaja o toku i završetku e-aukcije broj postupka 422-1-3-245/24 od 27.12.2024.godine, Komisija je konstatovala da nije bilo podnošenja ponuda te da konačna rang lista izgleda kako slijedi:

1. "MGBH" d.o.o. Sarajevo sa ponuđenom cijenom za okvirni sporazum u iznosu od 739.334,01 KM bez PDV-a,
2. "Mibral" d.o.o. Sarajevo sa ponuđenom cijenom za okvirni sporazum u iznosu od 739.643,52 KM bez PDV-a.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije



DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova



Općinski načelnik
mr. Semir Efendić